

光緒十六年重脩

富川縣志

板藏富江書院

重修富川縣志序

一代事蹟必有記載故國則有史郡縣則有志
志者識也識大識小凡一方之山川形勝風土人
物職官政治千百年事蹟按籍可稽俾攷古得所
徵信而筆削褒貶亦有微權不徒記載已也富川
之有志由來舊矣創始於前明嘉靖三十八年
一修於萬曆十一年再修於三十九年三修於

國朝乾隆二十二年嗣後無有謀及者今百三十餘

年矣制度之沿革風俗之變遷人事之代謝
世運之盛衰茫然無據加之咸豐間兵燹洊
地方多難其時公忠謀國殺身成仁者是尤
不可泯沒況舊板被焚卷宗所存亦僅倘再遷
延歲月時愈遠而事愈湮幾何不興文獻無徵
之感也光緒戊子予權知縣事適前任顧君國
誥有修志之舉甫集事而遷調去勢將中輟予
懼負顧君之初心也商諸孝廉毛君德馨等而

踵成焉乃延邑紳開局遍加採訪略有頭緒聘
臨桂劉鉅川孝廉纂輯成編取舊志張本遺者
補之新者增之疑者闕之蕪者芟之事必求
詳記必務實舊本共訂四冊今增為六冊閱
兩月稿成劉君辭去予復與學博周君昌期
詳加考正於是百三十年事蹟犁然秩然瞭
若指掌雖不無俟考之處大概得十之八九庶
幾哉志士仁人義夫節婦其苦心孤詣歷久常

昭然則斯志之修於世道人心不無裨益豈曰
掌故有徵已哉夫修廢舉隆微顯闡幽賢有司
事也予猥以不才承乏是邦下車未久邑之風
土人情尚未諳悉率爾操觚自知不免惟是
顧君既倡美於前予何得不繼步於後因不揣
固陋勉成顧君之志云爾

光緒十五年歲次己丑春正月署富川縣事補用
同知直隸州候補知州柴照撰

重修富川縣志

戊子夏予表兄唐君斗垣以富川教俸滿進省休憩月餘時暇無事秉燭夜譚詢以富川情狀人物風土唐君輒觀縷述之近事已略聞大概矣而未一言及志且不云富川修志冬間致函始以邑志秉筆召予受役辭不獲因檢閱省志由漢至明迄我

朝雍乾遠事又略見一斑矣惟嘉道咸同事則皆待至富而始詳然兵燹後冊檔燒燬事亦有不盡詳者先是前顧侯倡捐修志業已就緒今柴侯與邑紳續成之予入局後備觀葉志見大旨賅簡可依類因與邑紳毛君蘭泉商酌而增補之又志貴舉其大略其細故凡無足重輕之事無關緊

要之文概置弗錄鄉先達蔣公冕有云文事武備在吾粵
尤不可一日弛茲編於學校則詳書院所以明教化之盛
於雜記則詳寇變所以誌防衛之疏胡文忠公曰言戰不
如言守用兵不如用民以民衛已不如先以地利衛民夫
地利不但城也凡各鄉團寨各堡營汛見於地志兵志者
皆是至名宦鄉賢列女諸傳男婦殉難諸人吏治民風關
繫尤鉅其他若營建若賦役若職官若貢舉報則登之無
則闕之有若舉案對簿然是皆鈔胥家事耳秉筆云乎哉
草創甫就因爲叙其巔末質諸眾紳因質柴侯並商斗垣
如皆蒙摘疵而指教焉幸甚幸甚臨桂劉樹賢序

富川縣志卷之一

凡例

一邑之有志自明嘉靖三十八年符令大賓始萬歷十一年周令篤棐重修三十九年張令文燿三修至我

朝乾隆二十二年葉令承立而四修今祇依各條增補不必多立門戶雖子目略有添減而提綱則仍照舊云

一志首星野所以察陰陽之變以左右民然其言殊難確據舊志參疑牛女益屬無定之見今按圖經宿度考定九州分野斷歸軫翼以便觀覽

一沿革疆域俱考証舊志省志府志及歷朝史書輿地不敢以意爲增損其山川形勝不能悉載止書古蹟名勝

富川縣志 卷之二
之尤著者物產雖多無補生民者不載風俗固有龐雜
然必美惡並書以示懲勸

一賦役乃惟正之供王者乘天因地則壤定賦計至深矣
舊志所載明制也與今制稅課增減大不相侔故分晰
而詳紀之

一學校乃興賢重地我

國家尊崇道統作育人材其典禮之隆培植之厚超軼前代
今取有關文教者悉爲編入俾遊庠序者有所考而興
起焉

一兵防前明屯所堡兵廢弛今日所設最爲嚴密而抽撥
分駐規制屢更况富本巖邑其兵制有必不可不講求

者故編之不敢從略

一職官策名天府例得備書而善政善教之不著者別爲傳以表異之其現任者詳記履歷年分以俟後人論定

一先代人物舊志已載茲所當續考據必正乃可奉爲典型其節孝或曾經旌表或未旌表而名實無愧者均足風勵末俗不妨備錄蓋善善從長也

一文以載道貴實而不貴浮經世傳世詩騷傳誌無論也茲不憚廣爲搜羅然必於此地有關係者始足登諸簡編若夫風雲月露之詞縱有名篇無益事實概置不錄

一雜記似宜從略然人世所罕見之事乃宇宙所必有之理故採集傳聞列諸簡末以餉博物之君子

一綱目既分例有所統如名宦鄉賢等祠之隸於文廟碑
銘雜著之視於藝文各以類從庶免冗雜

富川縣志卷之一姓氏

纂修

補用同知直隸州調署蒼梧縣事富川縣知縣顧國誥
署富川縣事補用同知直隸州知州柴 照
補用同知直隸州富川縣知縣加一級紀錄一次左秉堦
協修

富川縣儒學教諭甲子科舉人唐光奎
候選知縣甲子科舉人毛德馨
揀選知縣癸酉科舉人毛遇風
候選知縣署羅城縣教諭恩貢生周昌期

參訂

候選儒學教諭癸酉科拔貢柳春富

五品頂戴增生歐陽獻震

候選直隸州州判乙酉科拔貢蕭文清

候選直隸州州判乙酉科拔貢汪作霖

編輯

試用儒學訓導歲貢生何日新

五品頂戴附生程必達

廩生李初唐

附生周履新

附生蔣振釗

校刻

廩

生張懷實

廩

生周炳熙

廩

生程必昌

廩

生蔣炳榮

附

生毛鴻濟

採訪

署鎮安府教授廩貢生胡景禧

署懷集縣訓導廩貢生蔣山

歲貢生林毓岐

歲貢生李之績

歲貢生蒙恩湛

試用訓導廩貢生全忠義

歲貢生陶士純

歲貢生毛羽翔

歲貢生林鹿鳴

歲貢生義咸和

恩貢生唐榮光

廩生盧秀芹
廩生何克昌
廩生麥咸登

廩生楊克配
廩生麥瑞圖
廩生唐國彥

廩生蔣炳元
廩生莫讓仁
廩生義敬元

廩生毛永齡
郡廩生麥慶圖
廩貢黃澄光

廩生黃煥然
郡廩生盧紹先
廩生王克久

郡廩生王儀

廩生李大受

廩生何以寬

郡廩生莫易心

廩生蔣巖

廩生孔慶良

增生孔慶周

附生毛文裔

附生何德風

附生唐雲高

附生宋慕殷

附生董紹謙

附生楊日彰

附生梁棟材

附生毛雲騰

附生李品魁

附生鍾承賢

附生梁天培

附生高凌雲